



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Archipresbytero De Gravalona Novariensis diocesis.

urn:nbn:de:hbz:466:1-20020

eidem, ipsum ab alienandi suspendimus potestate; ut ipso jure contraetus alienationis sit irritus, si quis forte per ipsum medio tempore fuerit attentatus. Interim autem dilectos filios Decanum & magistrum Gall. Canonicum Tervisinos circa curam & administrationem temporalium ei præcepimus adhiberi, sine quorum consilio & assensu in temporalibus non ministret, præstito ab illis corporaliter juramento quod ei circa temporalium administrationem assistent fideliter & prudenter. Super eo autem quod quædam ecclesiastica beneficia, non solum indignis, sed etiam indignè afferitur concessisse, veritatem nihilominus inquiratis, & eam ad nostrum referatis examen, interim ipsum à potestate conferendi ecclesiastica beneficia suspendentes. Ceterum ut plenè indemnitatibus provideatur Ecclesia Tervisina, fraternitati vestra per apostolica scripta mandamus quatenus super rebus alienatis, videlicet quot & quanta quantitate valoris extiterit, quodvis dispendium ex hoc incurerit Ecclesia Tervisina, necnon & aliis circumstantiis inquisita per Canonicos Tervisinos juramento interposito follicite veritate, depositiones ipsorum ad nos sub sigillis vestris inclusas fideliter transmitten-tes, præfigatis Episcopo terminum competentem infra quem per se vel procuratorem idoneum nostro se conspectui repræsentet, ut super hoc secundum quod expedire viderimus procedamus. Vos igitur tam prudenter in præmissis sublato contradictionis & appellatione obstatculo procedere studeatis quod circumspicitionem vestram ex hoc possimus in Domino commendare. Nullis litteris veritati &c. Vos denique, fratres Patriarcha & Episcope, super vobis ipsis &c. Datum Laterani vi. Idus Aprilis, pontificatus nostri anno sextodecimo.

**ARCHIPRESBYTERO DE
Gravalona Novariensis dioecesis.**

Epp. 10.
De interdicti
sententia recla-
mata.

EX parte communis de Gravalona Novariensis dioecesis fuit propositum coram nobis quod licet terra ipsorum fundata sit in solo habili & fecundo, adeo tamen infortunata est & infaulta ut nec in rebus multiplicari valeat nec personis, & cum fortuna sibi aliquatenus arridente, speratur quod ab hujusmodi debat infelicitate consurgere, casibus semper opprimitur improvisis, quod ex eo existimant provenire quia terra eadem olim, sicut fama est, propter excessus dominorum ipsius suppo-

Tom. II.

sita fuit sententia interdicti, quæ non creditur fuisse postmodum relaxata. Vnde apostolatu nostro humiliter supplicarunt ut cùm nobis in beato Petro Apostolo ab ipsa fuerit veritate promissum quod quæcunque solveris super terram, soluta erunt pariter & in coelis, eos ab hujusmodi vinculo absolvere dignaremur, præsertim cùm animarum quoque periculum ex hoc sibi metuant immittire. Cùm igitur majores propter minorum offendam & culpa majorum minores quandoque puniri facræ scripturæ doceamus exemplis, piam eorum follicitudinem & timorem commendamus in Domino, & speramus quod fides quam de clavibus Petri gerunt ipsis utilis esse debeat ad veniam promerendam, cùm paralyticum ad pedes Iesu Christi summissum per tegulas fides salvaverit aliena. Verùm quia David ad placandam indignationem divinam, quæ culpa ipsius in populum fuerat concitata, sacrificium Domino legitur ob tulisse, nos factis ejusdem, quæ ad nostram eruditonem scripta esse testatur Apostolus, inhærentes, discretioni tuae per apostolica scripta mandamus quatenus populum dicti loci, ut ad expiadam culpam hujusmodi & divinam propitiationem facilis impetrandum, aliquam Domino satisfactionem impendant monens efficaciter & inducens, præfatam interdicti sententiam auctoritate nostra denunties relaxatam, eosdem follicite commonendo ut sic in divino timore permaneant ne quos apud homines apostolica solvit auctoritas, propria liger iniquitas apud Deum. Datum Laterani vi. Kal. Aprilis, pontificatus nostri anno sextodecimo.

**ARCHIEPISCOPO SALZBURGENSI,
& Salzburgensi & de Berththergadme
Salzburgensis dioecesis Prepositus.**

CAUSAM quæ inter dilectos filios A. Presbyterum & C. scholarem Ratisponenses super Ecclesia in Buchkirchen vertitur, ab examine dilecti filij Præpositi sancti Nicolai & suorum conjudicum delegatorum nostrorum ad nos per appellacionem delatam, dilecto filio Angelo sancti Adriani Diacono Cardinali commisimus audiendam. Coram quo Presbyter proposuit memoratus quod cùm olim venerabilis frater noster Pataviensis Episcopus prædi-ctam Ecclesiam de Büchkirchen, quam ad commonitionem ejusdem Episcopi dictus C. nullo tunc ordine fungens, pro eo quod quandam pueram defonsaverat publicè, per litteras & propriū nuntium resignarat,

B B b b i j

